

La fototeca

Haimo Heisch

Per illustrar il Cudisch da Cumbel ha il team da redacziun rimnau entuorn 1000 fotografias. Quellas sin pupi han aunc stuiu vegnir legidas en cul sanner. Per part ei vegniu mess a disposiziun entirs albums da famiglia gia transformai en fuorma digitala. Il vast material ei silsuenter vegnius arcunaus en differents caums. Aschia ei naschida in' atgna fototeca.

Ina vasta schelta ord quella fototeca ei vegnida reproducida el Cudisch da Cumbel. Suenter la decisiun dalla Pro Cumbel da crear sper il cudisch aunc ina pagina d'internet secapeva ei che era fotografias duessan esser accesiblas sur quei mied. Aschia ha la fototeca survegniu siu plaz sin la pagina d'internet.

La rubrica „fototeca“ sin la pagina d'internet ha il suandont cuntegn:

- Introducziun „Concept dalla fototeca Pro Cumbel“
- Arcun dallas fotografias, ordinadas tenor ils suandonts caums
 - Persunas
 - Lavur e veta da mintgadi
 - Scola
 - Eveniments e veta culturala (fiastas ecclesiastas e profanas, cant, teater)
 - Vitg, casas, infrastruttura e cuntrada
- Register I: Fotografias utilizadas el Cudisch da Cumbel tenor paginas
- Register II: Register tenor la sistematica dalla fototeca

Igl arcun dallas fotografias presentaus a caschun dalla avertura dalla pagina d'internet cuntegn in'emprema schelta da rodund 600 fotografias ord mintga rubrica, incl. ils 250 maletgs reproduci el cudisch. Fertun ch'il register dallas fotografias dil cudisch (register I) ei ualti cumplets, spresenta il register sistematic aunc sco provisorium cun caracter da luvratori. Las informaziuns e las legendas sin quel duein vegnir completadas successivamein. Cunzun per l'identificaziun dils nums sin fotos da gruppa ei era igl agid dallas visitadras e dils visitaders dalla pagina d'internet dumandaus.

La Pro Cumbel ha l'intenziun da sviluppar vinavon la fototeca sco piattaforma per rimnar e brattar maletgs dil vitg e da sia gliעד. Fotografias dattan a moda nunfalsificonta perdetga dallas midadas. Ellas sveglian emoziuns e lubeschan tut tenor experientschas e regurdientschas interpretaziuns individualas. Co la fototeca duei vegnir sviluppada vinavon dapeda buc il davos dalla promptadad da sparticipar al brat d'informaziuns sco era digl echo sin quella emprema ediziun. La Pro Cumbel pren bugen encunter informaziuns e damondas tier igl material publicau sco era niev material.

Cun metter a disposiziun fotografias alla fototeca contribuescha mintgin ad in scazi comunabel senza pli gronda resca ni prighel d'in maldiever. Ils dretgs d'autur dallas fotografias publicadas ella fototeca appartegnan al fotografs e fotografas respectiv allas persunas e famiglias che han mess a disposiziun ellas. Ina reproducziun dallas fotografias basegna la lubientscha dils possessurs ed auturs da quellas.